

Septembar
2006

Čuvanje djece i dječije zdravlje

Informativni bilten za roditelje

Prelazak u školu

Pripremanje djeteta za početak školovanja je uzbudljiv period i za vas i za vaše dijete.

Mi svi želimo da nam djeca budu sretna i sređena. Dobar početak školovanja ima dugoročne društvene i obrazovne beneficije. Vi, kao roditelj, igrate važnu ulogu da vaše dijete samouvjereno krene u školu.

Iako je prelazak u školu obično sretan događaj, u nekim slučajevima polazak u školu može biti i period nesigurnosti. Ovo je novi korak za vas i vaše dijete, ali vi morate ostati istrajni kroz mnoge promjene koje će se dešavati u tom periodu djetetovog života. Vi svome djetetu možete biti most između kuće, dječijeg vrtića i škole.

Pomaganje osnovnih znanja

U školi se od djece očekuje da budu samostalniji i odgovorniji. Prije nego što krenu u školu, djeca moraju usavršiti neka osnovna znanja kao što su odijevanje i samostalno obavljanje nužde. Naročito je važno ponašanje u društvu. Omogućite djetetu da stiče ova znanja i hvalite njegov napredak.



Pripremanje djeteta za prelazak u školu

- Razgovarajte s djetetom o školi. Dajte mu priliku da postavlja pitanja, na svoj način i kada to ono želi.
- Razgovarajte s vaspitačem/vaspitačicom vašeg djeteta. Raspitajte se o tranzicijskim programima i aktivnostima i uključite se u njih.
- Pričajte pozitivne stvari o školi i vašim vlastitim iskustvima iz škole.
- Uključite se u rad škole. Važno je da i vi poznajete školu i njen rad. Dijete će osjetiti ako ste i vi opušteni i samopouzdana u odnosu na školu.
- Ako je moguće, upoznajte učitelja/učiteljicu svog djeteta.
- Potičite svoje dijete da izražava vlastita osjećanja i misli i da postavlja pitanja kada mu je potrebna pomoć.

Upoznavanje novog okruženja pomaže lakši prelazak u školu

- Organizujte okupljanja djeteta sa drugom djecom koja će pohađati istu školu.
- Odvedite dijete u školu, poslije nastave, tako da se upozna s okruženjem. Vježbajte korištenje slavina sa vodom i pronađite gdje su zahodi.
- Vježbajte školske aktivnosti, oblačenje uniforme, nošenje školske torbe i jedenje iz lunch boxa. Odlazak na porodični piknik će pomoći djetetu da praktično i uz zabavu nauči ove stvari.
- Nastojte da ova iskustva budu što je moguće zabavnija i pozitivnija.

QAIS – Quality Areas 3 and 4, Principle 2.1 (Kvalitativna područja 3 i 4, Princip 2.1)

FDCQA – Quality Area 3, Principle 1.3 (Kvalitativno područje 3, princip 1.3)

Ovaj Informativni bilten za roditelje na raspolaganju je na više etničkih jezika i može se skinuti sa internet stranice Early Childhood Connections na www.econnections.com.au

Na inicijativu



Uz podršku

